

بنات القاهرة  
رغداء العربي

بنات القاهرة / رواية  
رغداء العربي  
الطبعة الأولى ، ٢٠٠٨



دار اكتب للنشر والتوزيع  
القاهرة ، اش المعهد الديني ، المرج  
هاتف : ٠٢٢٤٤٠٥٠٤٧  
موبايل : ٠١٢٩٢٥١٥٩٢ - ٠١٨٢٣٦٣٠٣٥  
E – mail : dar\_oktob@gawab.com  
المدير العام :  
يحيى هاشم  
تصميم الغلاف :  
حاتم عرفة  
رقم الإيداع : ٢٠٠٨/١٣١٧٩  
I.S.B.N: ٩٧٨- ٩٧٧- ٦٢٩٧- ٢٢- ٧  
جميع الحقوق محفوظة ©

# **بنات القاهرة**

**رواية**

**رغداء العربي**

**الطبعة الأولى**

**٢٠٠٨**



**دار الكتب للنشر والتوزيع**



هنا في القاهرة الواسعة التي ضاقت بمن فيها تعيش إيمان في  
تلك العمارة الفاخرة بأحد شوارع مدينة نصر الرئيسية،  
بالدور الأرضي تعيش إيمان أخرى في عالم آخر، وهناك في  
شبرا تعيش إيمان ثالثة ..

وها نحن جميعاً نعيش في مدينة الألفي مثذنة والألفي إيمان،  
منا من يتحلى ببعض الإيمان، ومنا من يتحلى به كله ومنا من  
يتحلى ولا يتحلى بالإيمان!!

كانت هناك مشاجرة تدور بين إيمان الثرية وأمها التي  
ترفض أن تعلمها القيادة:

- ماما خلاص أنا كبرت مش معقول كده، أنا خلاص  
رايحة تالطة جامعة!

- طيب مش لما تنجحى الأول، ونبقى نشوف حتروحي  
تالطة الأول ولا لا!

- إشمعنى بقى أسامة يسوق من وهوا في ثانوية عامة؟  
وكل شوية يجي خابط العربية ومبهدلها ولا بتكلميه..

- ده ولد وبعدين ده راجل البيت

- أووووف ...

تنطقها إيمان بامتعاض وتركض مغلقة باب غرفتها بصوت عال...ع

- طيب طول مانتي بترزعي الباب كده لا فيه سواقة ولا نيلة أما بنت قليلة الأدب صحيح!.....

في نفس الوقت كان يدور أسفل المبنى هذا الحوار:

- بت يا إيمان تعالي يا موكوسة ما روحتيش تجيبي ليه الجرنان والعيش للدكتورة اللي في الدور السادس؟

- وإيش عرفني إنها كانت عيزاني بشم على ظهر ايدية؟؟

- آدي الدكتورة عمالة تتشاكل وبتقول لأبوكي النهاردة يا اما تتعدل يا توفيق يا ما حنشوف بسواب غيرك، كله بسببك يا غبية حتقطعي عيشنا!

.... لا تدري لمن يجب أن تشعر بالشفقة على إيمان الأولى أو إيمان الثانية، في الحقيقة كلتاها مثيرتان للشفقة كلتاها أحلامهما تؤديان إلى ما لانهاية لا أمل يرجى منها...

في الوقت ذاته كانت إيمان التي تعمل في إحدى محلات الملابس الجاهزة في وسط البلد كان صاحب المحل ينهرها لأنها أهملت إحدى الزبونات السودانيات وردت عليها بإهمال وقلة

احترام، كان زوجها السوداني الذي يشعر بعقدة الاضطهاد في مصر مغتاضاً، وثائراً، وإيمان الضعيفة مريضة الأنيميا تكاد تقع من طولها وتشعر بالحر الشديد في ذلك الوقت من شهر أغسطس، وخصوصاً أنها ترتدي حجاباً أسود ماصاً لأشعة الشمس نتيجة للفقر الشديد، لأن هذا اللون يمشي على كل ألوان اللبس بدءاً من القميص الأزرق الخاص بزي المحل انتهاء بالطقم "الأورانج" "الحيلة" الذي تلبسه في كل المناسبات..

تبدو وهي واقفة كصبي يعاني من الهزال الشديد في الثانية عشرة من عمره، خالية من كل التضاريس النسائية من الأمام ومن الخلف، على عكس إيمان المستورة الممتلئة إلى حد كبير رغم كل محاولاتها الفاشلة في الرجيم.

وزبونة أخرى ماسكة في إيمان الغلبانة لأن التونيك الذي اشترته من المحل مطلعش على مقاسها واتقطع من الجانبين وهي بتحاول تحشره فيها أثناء قياسها وكالعادة يراضها صاحب المحل على حساب إيمان الغلبانة.

صوت أغاني تامر حسني يصدح في أرجاء المحل الواسع نسبياً، حيث يعمل فيه عدد من الشباب من الجنسين في عمر إيمان منهم من هو أكبر منها، ومنهم من هو أصغر منها،

منهم من هو أفضل في الظروف ومنهم من هو أسوأ  
يشتركون جميعاً في حب تامر حسني، وتناول الغداء الذين  
يتشاركون في دفع تكاليفه وهو عبارة عن جبن وعنب ولا  
تسألني كيف يمكن أن يؤكل الجبن مع العنب، بالتأكيد ليس  
جبناً رومياً!

في ذلك الوقت كانت هنالك إيمان رابعة تجلس في أحد  
مدرجات كلية تربية عين شمس، مع زميلاتها تكتب وتسدون  
المحاضرات التي ليس لها أي قدر من الأهمية في كاشكول  
مذكرات، ترتدي حملاً طويلاً ولها حاجبان كثيفان، تضع  
حقيبة سفرها هي وزميلاتها في غرفة تحت المدرج اللوائي  
يجلسن فيه، في الساعة الرابعة عصراً فاليوم هو نهاية الأسبوع  
وهي تستعد للعودة إلى قريتها في محافظة المنوفية .

في عريس متقدم لها عن طريق باباها الدكتور الكبير في  
القرية وهيا عايزه تقابلة لأنها قربت تخلص خلاص وعايزه  
تنحوز وتشتغل في المدرسة الابتدائية في قريتهم، وبكده تبقى  
حققت كل آمالها، وصاحباتها من أبناء المدينة الجامعية يهنوها  
ويحسدوها على العريس، ويمشون معا ككتلة واحدة في  
الجامعة كله مجهز شنطته استعداداً لتزول البلد آيا كانت



وأينما كانت في الدلتا بره الدلتا ولا على ترعة السلام مش  
فارقة.

إيمان مدينة نصر لديها حالة نشوة و" انشكاح نفسي"  
فقد أعلنت بين زميلاتها أنها مسافرة إلى شرم الشيخ، خلاص  
"البيت الكووول" حتسافر مش مهم تسافر ولا لأ، المهم إن  
الكل عرف إنها مسافرة وخلاص.

وبدأت الرحلة المضنية في البحث عن المايوه الشرعي !!

لازم مايوه كول عشان يناسب الأجانب هناك، عليها  
تعرف تظبط واحد أجنبي أمور ولا حاجة، وكذلك كان  
طموح كلا من شقيقها في واحدة أجنبية أمورة ...

كانت تلعب مع زميلاتها في دار البولنج، السور ب ١٠  
جنيه. بالنسبة ليها العشرة جنيه عبارة عن دور بولينج أو ثمن  
مجلة تيزر أونلاين أو كوباية كوفيه موكا في أي كافيه في مول  
ولكن بالنسبة لإيمان رقم ٢ العشرة جنيه عبارة عن ثمن كام  
كيس هتشيلهم للست الدكتور، أو أم إيمان، أو مدام نجوى  
في الدور الرابع اللي عندها ٣ بنات في عمرها وأبوهم في  
السعودية، وهما تخان ومربرين تنظر إليهم إيمان كل يوم

بحسد وهما نازلين يترقصوا من العمارة، فهي فتاة نحيفة بالكاد  
تجد قوت يومها أقصى حلمها هو أن تتناول على الغداء  
دجاجة مرة واحدة في الشهر، معالم أنوثتها ضامرة من الأمام  
ومن الخلف وبينما هي كانت تفكر فيما ستتناوله على الغداء  
اليوم، وتحلم بالأرز والفول من دون وجود أية لحوم كانت  
إيمان صاحبة الملك في العمارة مشغولة تحدث صديقتها في  
الهاتف عن مشكلة المايوه الشرعي:

- يجد يا منى أنا مش عارفة أعمل إيه كل مسوديلات  
المايوهات بيئة أوي.

يجد أنا لو مشيت بـمايوه من دول وسط الأجانب أنا  
حقي مسخرة.

- للدرجة دي! متقلعي الحجاب أحسن..

- نفسي بجد بس أمي وأخويا هيموتوني هوا شاطر بس  
يصبص للأجانب.

- بس من أدك يا عم أحمد ولاد الدفعة مش حنقي رايحة  
شرم.

يجد يا بختك.

انتهت إيمان من الحديث مع صديقتها على الهاتف عند منتصف الليل وسرعان ما غطت في سبات عميق من كثرة الإجهاد من الرغي والتفكير.

نامت المسكينة تحلم بالرحلة والأجانب والخواجات ...

بالعودة إلى إيمان شبرا.

التي في هذا اليوم كان قد حان موعد القبض، خلاص  
حتاخذ الماهية.

التي لديها الكثير من الأشياء لتفعلها بما حثدفع إيجار  
الشقة الكحيانة التي تقيم فيها مع أخواتها الاربعة بعدما توفي  
والدها تاركا لها هيصة وعزوة اجتهد في إنجائها وتحملت هي  
المسؤلية التي قل ما تشاركها فيها أمها لا تدري هل هو  
بدافع المرض أم الكسل ام كليهما، وفي طريق العودة وهيا  
قابضة ثلثمائة جنيه بالتمام والكمال كان قلبها يرقص فرحا  
تمسك في يدها البوك الأسود محتفظة بالمبلغ فيه ٣ مئات  
بالتمام والكمال.

تمسكه بيدها الخشنة الملمس المشققة بسبب مرض البلاجرا  
من قلة تناول البروتينات...

كانت تتراقص تحلم بسهرة البطيخ والجينة هذا المساء مع  
أحواثها.

على الأريكة البيضاء الخشبية القديمة (الكراتية) أمام  
الفيلم العربي الذي يقوم ببطولته نجم أو نجمة من أبطال أواخر  
الثمانينيات الفيلم الذي شاهده مائة مرة وحفظت السيناريو  
وفي كل مرة كانت تبكي مثل كل مرة على نهاية الفيلم الذي  
ينتهي بموت البطل - إعدام البطل - حرق البطل.

أو البطل سكران أو بيشم أسرع لاهثة لمحطة المترو  
سارعت لتلحق بالركوب في عربة السيدات وتدافع معها  
الرجال والنساء وكان هذه هي آخر عربة مترو سوف تصل  
كانت تحتضن في يدها تذكرة المترو الصفراء الرطبة تنصب  
عرقاً وتحاول أن تحشر نفسها مع السيدات المحشورات.

وفجأة في آخر لحظة يغلق باب المترو على ذراعها ليضعها  
بين خيارين كلاهما مرعب بالنسبة لها إما أن تفقد ذراعها أو  
البوك المدلذل من العربة الذي إذا أغلق الباب يندهس تحت  
عجلات المترو لم تمهلها الراكبات كثر خيرهم الكثير من  
الوقت لاتخاذ القرار وفي لمح البصر كان المترو يتطلق

وينطلق معلنا مصيرا مجهولا للبوك الأسود الجميل يلا يا  
إيمان عليه ومنه العوض.

.....

كانت إيمان مدينة نصر.

في نفس اللحظة تقف في محطة الباصات تحجز مع أخيها  
تذاكر الحافلة المتجهة لشرم الشيخ وهناك رأيت شبانا في سنها  
يحجزون تذاكرهم أيضا.

ومنهم من يستعد لركوب الباص كل واحد منهم يرتدي  
نضارة شمس ويلبس تي شيرت (بينك) أو فوشيا ومش  
مصدق نفسه، ينظر لإيماننا المحجبة باحتقار التي تشبه أخته  
وزميلته في الجامعة وأي مكان يذهب إليه ويتواجد فيه  
العنصر النسائي (إنتي يا مصرية يا سمرة يا محجبة).

بتفكري تبصلي ده أنا خلاص رايع شرم حيث ستهافت  
عليه الخواجات ما هوا الولد المصري الأسمراني الحليوة الذي  
ضحكت عليه أفلام هوليود وصورتله إنه أنتونيو بانديراس  
اللي محصلش والبنات الأجنبية كل واحدة حتسب  
الخواجة بتاعها وترمي عليه قال يعني.

حجزت إيمان التذاكر وخلاص بقت الرحلة مضمونة  
وانتهى وستبدي الفشخرة!

إيمان بنت البواب سهرانة هي وأخواتها متكديسين كلهم  
مع والدهم البواب ووالدقهم في غرفة صغيرة بمرحاض في  
الدور الأرضي يشاهدون بحرمان التلفاز عن طريق الوصلة  
اللي سارقينها من الدور السادس فاتح كل واحد منهم فمه،  
يتنقلون بالرموت بين القنوات المشفرة ويفضلون القنوات  
العربية وكل واحد على قد ثقافته من أول الساعة الحادية  
عشرة مساء تنتهي مهام أبي إيمان في نظره خلاص يسبب  
العمارة والجراج والسكان يولعوا خلاص هوا مش حيوقف  
حد في البار كينج، أهو بواب ومدلع وماهوش كبير.

تعود إيمان شيرا لبيتها منكسة الرأس خلاص هيا وأخواتها  
حيدخلوا في مجاعة، ياما يشحتوا ياما يحاولوا ياخذوا شكك  
من البقالة اللي تحت بيتهم ياما الله أعلم أنا شخصيا لا أعرف  
كيف يمكن لهم ولأمثالهم تدبر مصاريفهم لآخر الشهر.

مفيش أكل في البيت وأخواتها تنظرون لها بوجوه الأنيميا  
الصفراء بعتاب وهي لا تنطق لا تعرف من تلعن زماها قدرها  
أم نفسها.

تقفز إيمان في البيسين، قفزة إنما هيا وتتطرطش مية وهيا  
مرتدية مايوها شرعيا أسود من رأسها إلى أخمص قدميها فهو  
أرحم من المايوهات الملونة التي كانت ستجعل منها أراجوزا  
وعلى رأسها تلبس بونية البحر المطاطي باللون الفوشيا تبدو  
مثل أحد الضفادع البشرية وعلى كل فهو أرحم ألف مرة  
من أن تبدو أراجوزا بمجرد أن نزلت في البيسين بجسدها  
الغض الممتلىء المكسو باللون الأسود حتى سارع الأطفال  
الألمان ليكون لأهاليهم ويخرجون بره البيسين خايفين من  
العوة التي نزلت معهم في المياه.

تشبه وحشا بشريا وسط ضحكات مكتومة وابتسامات  
من أهاليهم رجالا ونساء حتى شقيقا إيمان الأندال فهم  
سرعان ما هربوا منها وسارعوا بالابتعاد عنها حتى إنهم أصرو  
طوال الوقت على المكوث داخل الجزء العميق من البيسين  
قال يعني ميعرفوهاش كل واحد منهم يصير نفسه بعدم ثقافت  
الأجنيات عليه أو حتى النظر إليه بأنه لسه واصل.

تنهار إيمان بعد وقت طويل من المقايعة والسباحة وحيدة  
وهي تلوح لأمها الممتلئة التي تجلس على أحد الكراسي على

البيسين تراقب بانشكاح وفخر الثلاث غزلان الذين أنجبتهم  
من بطنها تخرج من البيسين تسارع أمها بلفها في الفوطة:

- ماما يلا نمشي أنا زهقت.

- نمشي نروح فين ندخل الشاليه.

- لا نرجع القاهرة.

- يا سلام ياخي مش إنني اللي زيني على دماغي لحد ما  
أجيبك شرم لحقتي تزهقي ...

طبعاً هيا لم تزهق ولكن العقد النفسية التي ركبتهما خلقتها  
تكره نفسها.

ندخل إلى الشاليه.

والأم تبقى شغالة تصوير في فلذتي كبدها المتطرفين في  
آخر البيسين.

وتكرر بالزوم وتصور!

بتصور على إيه بلا خيبة!

يستيقظ إبراهيم البواب بواب عمارة فلذات الأكباد،  
عيناه وارمتان ومتفختان هو وعياله بعد سهرة طويلة أمام



التلفاز متأخرين فاتهم موعد المدرسة فلم يذهب علي شقيق  
إيمان الصغير لمدرسته مدرسة البوابين الابتدائية ولا أخت إيمان  
لمدرسة الصنائع أما إيمان فهي مخرجة الدبلوم.

لا مدرسة تذهب إليها هيا قاعدة بس تستنى عدلها ممكن  
واحد من عمال البناء اللي بيشتطروا في الأدوار اللي فوق  
يصلها وممكن واحد من الذين يعملون في المحل المجاور لهم  
ومش بعيد واحد من أولاد سكان العمارة من اللي في جامعة  
خاصة وإيه يعني ماهيا عينيها خضرة وفي الآخر كلنا ولاد  
تسعة!

- الحقني يا أم علي.

- جرى إيه؟

- كل المرايات بتاعة العربيات في الجراش مكسرة.

- يا دي المصيبة السوداء.

الست اللي فوق حتخرب بيتنا.

وسرعان ما بدأ اللطم والعويل والتخطيط بدهاء !!!

\*\* \*\*\*\*\* \*\*

في نفس الوقت في المطعم الملحق بالريزورت في شرم الشيخ.

جلست إيمان مع شقيقها وأمها يتناولون العشاء الأجانب حرصوا على تناول السلطات وبعض المخبوزات أما المصريون فقد تدافعوا على اللحم بكل أنواعه لحوم بيضاء حمراء أو بنفسجية لا فارق متأثرين أوي بقعدتهم وسط الأجانب كل واحد منهم عمل نفسه الجنتية وقال إيه تجدد المصري يوسع للمصري والشباب المصريين بعد أن أيقنوا بأسهم من أن تبص ليهم المرة الأجنبية بدأوا يتنحوا في البنات المصريات متأكدين الآن تماما أنه فعلا من خرج من داره اتقل مقداره.

وأم إيمان كانت فاتحة في الأكل مش عايزة تقوم كل شوية تروح تعرف أطباق وتخط قدام ولادها حبايها زي ما تكون بتحاول تحلل فلوس الرحلة بعد العشاء أسرع الجميع لمشاهدة الشو وإيمان وإخواتها يحاولوا يقنعوا أنفسهم إنهم مبسوطين ومبهورين براقصة روسية ترقص رقص شرقي والأجانب واقفين مذهلين حتى مفيش راقصة مصرية والحمد لله .. فالروسية على أي حال أرحم من مصرية مترهلة مش قادرة تمز تحاول إيمان المسكينة بحارة الجو فتراقص مع إيقاع

الموسيقى وتحرك إيديها ورأسها محاولة إظهار روح المصرية  
المحجبة الفري وكبت العقد ولكن بلا فائدة ففي النهاية  
يرمقها شاب أجنبي بنظرة شذر واضح على وجهه التساؤل  
لا تعرف هي ما الذي يجعله يستغربها هل لأنها محجبة ؟ أو  
لأنها ترقص وهي محجبة أو لا يعرف فائدة قطعة القماش  
حول رأسها أو لأنه عنصري بالفطرة يريد أن يشعر الفتاة  
المحجبة بأنها مهانة؟

لاحظت إيمان النظرات المستغربة إليها ولكنها تابعت  
الرقص فلا يمكن أن تتوقف الآن يجب أن تجاري الجو يجب  
أن لا يكون شقيقاها أفضل منها.

هي حرة وستنطلق الآن وتهز وتهز وتمنت لو أنها تطلع على  
المسرح فترقص بدلا من تلك الروسية لتريهم الفن والمواهب  
المصرية الأصيلة اللي اتدربت عليها في حفلات (الداش بارتي)  
مع صديقاتها لكن آه بس لو مكنتش محجبة ولو مكنتش  
إخواتها معاها ولو مكنتش مسلمة وإلى آخره ..

أحست بشيء رطب يسقط على سروالها الجيز لتجدها  
بقعة مشروب أحمر له رائحة العنب أدركت أنه نبيذ! يا إلهي  
انها تجلس الآن وسط الأجانب الذين يشربون النبيذ تماما مثل

التليفزيون ونتيجة لعقد النقص احتارت هل عليها أن تنظف  
البقعة أم تتركها للذكرى؟!

تذهب للنوم في الشاليه سعيدة بأن يوم آخر من الهم  
الكبير قد انقضى والمهمة على وشك أن تستم مش مهم  
انبسطت ولا لا المهم إنها كانت في شرم حتنام بدري عشان  
تصحى من ساعة سبعة تنزل البيسين عشان حيقى فاضى من  
الأجانب في الوقت ده خلاص هي مدركة الآن تمام أن  
احلامها في الجواز من أجني تخاريف لو الاجني هوا ده ييقى  
خلاص لازم تفوق للواقع أأليم المصرية ملهاش إلا مصري!

في محل ملابس وسط البلد زبونة بتقيس بنطلون جيتر  
اكتشفت إيمان وهيا بتجيهوها إن سعره ٤٥ جنيه صعقت  
كيف لم تدرك ذلك طوال ما كانت بتشتغل في المحل وكان  
قدام عينيها والعيد مقرب وحان الوقت لتغيير البنطلون الجيتر  
الوحيد اللي عمره ٣ سنين طلعت تتخانى مع زميلاها  
والزبونة في البروفة وتقلهم انها اول واحد حجزت البنطلون  
بالرغم من ان صاحباتها اصلا لم يعرفو عن وجوده

- هيا مش حتاخدو أصلا أنا حاخده ده ب ٥٥ جنيه

بس ..

- ماشي!

- لو سمحتي خلاص طلع مقاسه كويس حاحده متاكده  
إنه ب ٤٥؟

تركض إيمان لتأكد تتمنى لو ما منش ده سعره الحقيقي  
عشان تبقى عليها وعلى أعدائها، تعود محسورة ..  
- أيوه ده سعره فعلا.

تأخذه الزبونة سعيدة من أجل نفسها غير مبالية بإيمان  
اللي على وشك البكاء وهي تعرف أنها تريده فقد سمعتها  
وهيا في الفاترينة وبعد ٥ دقائق  
كانت إيمان تخطط مع زميلاتها حيحيو إيه عالغدا..

- كشري قراميش مفيش؟

ونسيت أمر البنطلون تماما فهو ليس أول أو آخر شيء  
تخسره في حياتها كما نسيت أمورا أخرى كثيرة، لا تقلق  
إيمان أو سائر بنات المحل بسبب زيادة أوزانهم فكلهم أنيميا،  
طوال اليوم لا تبالي لو أكلت طبق كشري فوقه بصل محمر،  
ولا بعدد السعرات الحرارية التي يحشونها في جسمهم كل يوم  
في مثل هذا الوقت فهم كلهم لهم قوام الأنوريكسيك.

واحد متربصلي هوا اهوا اللي كسر المرايات عشان عايز  
يمشي من هنا.

- وإنت إيه اللي منيمك من الساعة ١١ وقافل على  
نفسك إنت وعيالك نسيت إنك بواب؟  
- معلش يا مدام.

- أنا قلت من الأول إن شكلك مش حتعمر معانا، مس  
بكرة حجيب بواب جديد خلاص.

- والنبي معلش آخر مرة قلبك أبيض.

- مفيش.

الست الكبيرة قررت، وأبو إيمان كمن نزلت عليه  
صاعقة، هم كبير أصاب الأسرة، خلاص الأوضة اللي بحمام  
اللي كل البواين بيعسدوهم عليها حيخسروها، وال ٣٠٠  
جنه بتوع كل شهر، وبقشيش وبقايا أكل ولبس الخليجيين  
اللي بيعجوا في الأجازات حيطيروا، طيب إزاي ده الشقه دي  
هيا اللي حتجوز البنات هيا وعيونهم الخضرة، ده حتى على  
حسها، كان الولد اللي شغال في المحل اللي تحت كان  
حيموت ويجوز إيمان بعدما أيقن إنه الشاب الجامعي لازم

يتنازل، ياما مش حيحوز خالص بنت بواب بنت بواب  
ماهوا يزوقها قدام أهله وخلاص ....

بعدها أيقن أن محاولاته للتقرب من بنات سكان العمارة  
باءت بالفشل.

فعندما أحدث السواق الشاب بتاع الدور الرابع مشكلة  
معهم، عمل فيها الواد الحمش:

- أنا مش عارف إزاي ده يعمل كده هوا مش صغير.

أنا أهو ٣٠ سنة وزى الفل (عرض للجواز بيلمع نفسه)  
وعمري ما أعمل حاجة زي دي مخاطبا واحدة من بنات  
الدكتورة؟؟

نظرت إليه من فوق لتحت وانسحبت دون أن ترد عليه.

ومن يومها وهي وشقيقتها مسمينه ٣٠ سنة وزى  
الفل، ٣٠ سنة راح ٣٠ سنه جه، بالرغم من أن الشاب كان  
فيه الكثير من الوسامة وجامعي ويهتم بمظهره، ولكن كيف  
يجرؤ بالنظر للبنات الذين يسكنون في عمارة كهذه !!؟  
وأبوهم يعمل في السعودية، بالرغم من أنهم "مش لاقين

عرسان ولا حد غيرهم من زمايلهم في الكلية"، ومع ذلك  
فإن الغرور راكمهم عشان أكيد أكيد اللي يصير حينول!

واكتفى ٣٠ سنة وزى الفل بمراقبتهم في الطالعة والنازلة  
هما وإيمان دون أن تتاح له ثانيه فرصة في التكلم معهم  
واكتفوا هم بمراقبته كل يوم وهو يقف خارج المحل يدخن  
سيجارة، او يأكل بسكويتة بربع جنيه، حتى إنهم حفظوا  
ملابسه، أطقمه الثلاثة، لم تدرك أي منهما لم تشعر بقليل من  
الغيرة حين، حين يرون بنت المحل تداعبه، أو تضع يدها عليه  
ربما لأنهم يشعرون أنه ملكهم، ولم يدركوا أصلا أنه هنالك  
قصة حب متوهجة بينه.

وبين إيمان، التي جذبتة إليها بالتسبيل بعينها الخضر،  
و الهزار معه بطريقته ولغتها السوقية.....

عادت إيمان من شرم.

لم تكسب شيئاً، لأنها باختصار أصبحت مغطاة من  
رأسها إلى أخمص قدميها بسبب المايوه الشرعي الأنيق !!  
تشعر أنها كانت في كابوس سعيدة بخروجها منه، تشعر  
باكتئاب وانقباض، لعودتها لبيتها للقاهرة لروتين الحياة



المعتاد، الذي اعتادت عليه وملته، لم يكن يعزيها سوى أنه الآن تتوافر لديها حصيلة هائلة من الصور لتضعها على صفحة البروفایل الخاصة بها على "الفيس بوك" يكفي فقط أن تكتب كلمة "شرم" وكل ولاد وبنات الكليه يروا "محدثة النعمة" التي لم ولن تكون آخر واحدة في الدنيا تروح شرم!

يعزيها أيضًا اقتراب عيد الأضحى، حيث الذبح، وانتشار الفوضى والضوضاء، وأنهم من الممكن أن يسافروا إلى "البلد"، وهناك تشعر بقيمتها أكثر، فهي إيمان "بنت القاهرة"، الراقية، الـ"كووول"، تلبس ملابس تبهر فتيات الحقول والفلاحات، ينظر لها الجميع بانبهار، ويقف الشباب أمامها يراقبون "بنات ماصر" كما يقولونها، ويلحظون كلماتها، وتكسرهما في الحديث، ونطقها لكلمات جديدة مختلفة ...

هناك في البلد وعلى الفيس بوك تجد إيمان بمخها الصغير نفسها تشعر أنها ليست مجرد إنسان، بل فوق البشر، كل ما تتمناه أن تكون فوق البشر، مثل عقدة النقص الراسخة في عقول كل المصريين "لازم المظاهر أي حاجة تخلينا نتغر، تخلي

في ناس أقل منا، تخلي لنا الحق إننا نقول على فئة من المجتمع  
حتى لو قليلة بيعة، المهم إن عندنا الحق عشان ننطق كلمة  
بيعة" !!

لا فرق عندها بين أن تقضي العيد في القاهرة أو في البلد،  
فالقاهرة في الأعياد تصبح مزدحمة، وكأن يوم القيامة قد قام  
!! كل الناس في القاهرة متساوون أن عندهم "بلد" فكل  
أشقر فإن جدته إما تركية، أو أن له أصل من الفلاحين ..

وسط وشرق وغرب إنما فرعونى أصيل استحالة!!

إيمان مدينة نصر وإيمان بنت البواب، تشابه كلا منهما أن  
عندها بلد، لكن الفرق هو وضعهما في تلك البلد، ونظرة  
الناس إليهما هناك فالأولى

تدخل بالعريية ملاكي القاهرة يقودها أخوها لابساً  
النظارة الشمسية كبيرة العدسات بعضلاته البارزة، والـ"تي  
شيرت" الزهري أو البنفسجي، يتزل من السيارة، بسرواله  
الجيزر الساقط، ورائحة البيرفيوم الفواحة تفوح منه، حولة  
الفتيات الريفيات قلوبهم تكاد تفارق صدورهن

وهو حتى لا يرمقهم بنظرة ...

في يوم من الأيام استخسرت الخواجاية الأجنبية فيه تلك  
البصة فلماذا يعطيها لشيء ونجلاء وسيدة وأم السعد؟

أما إيمان الثانية فهي تبهر الشباب في قريتها أيضا فهي  
أيضا بنت ماصر صعبة المنال ولكن أباهما مهما كان بوابا  
صحيح بابي بيت عالي ه أدوار

في موقع متميز من القرية وعنده حنة أرض ودوار مسن  
بقشيش أصحاب الشقق في العمارة أيام تشطيبها كما أن  
إيمان تلبس لبس شحاتة مما ضاق على إيمان الأولى بعدما  
فتحت في الأكل وفي شرب المشروبات الغازية وأكلات  
الأطعمة السريعة.

وبخاصة بعد ذهابها للكلية وقضائها معظم اليوم خارج  
البيت أو بقايا لبس بنات الدكتور، اللي لديهم ملابس لا  
تعد ولا تحصى، بسبب سفرهم للخليج وشرايتهم ملابس من  
هناك، وولعهم باللبس، مثل سائر أبناء العاملين في الخليج،  
الذي يسهل عليك أن تميزهم في الجامعات بسهولة الطالب  
الحاصل على شهادته الثانوية من إحدى دول الخليج حيث إن  
الأزياء تمتاز معظمها بالغرابة وغالبا تكثر جرائمهم الأزيائية!!

كان من السهل على إيمان كثيرا تمييزهم فهي لا تستغرب  
إن وجدت البنت منهم، لابس ٣ أو ٤ ايشاربات فوق بعض  
أما هي (٢) بس !!

والولد لابس بنطلون جيزر يلمع مطبوع عليه هيكل  
عظمي يغطي رجله!

كانت تنتمي لفئة أولاد مدينة نصر المتخرجين من مدارس  
اللغات معظمهم يرتدي الملابس الرياضية الـ "سويت  
تشيرت" وحذاء رياضي من إحدى الماركات .... Made  
In China حذاؤهم الرياضي تجدهم يلبسونه لمدة ٣ سنين  
متتالية مش مهم المهم إنه أو كان ماركة!

أما الطلاب الذين يقيمون في المدينة الجامعية فيسهل على  
إيمان كثيرا هي وأصدقائها التعرف عليهم إما عن طريق  
اللهجة أو طريقة ارتداء الملابس.

تجد الفتيان يرتدون بالأغلب ملابس الرجال المتخرجين  
من الجامعات خلاص أو تحس أن الواحد منهم زي ما يكون  
أب ل ٣ عيال حتى إنها استطاعت بسهولة تمييز زميلة لها  
ترتدي طرحة عباية سوداء دائما على كل ألوان اللبس فمرة

كانت إيمان قاعدة في السيكنشن وكان حجابها مرفوعا من  
الخلف نادى عليها زميلتها تلك محذرة لها:

- غطي قفاكي .. قفاكي (عريان)!

غطت إيمان قفاها من غير ما تقولها كلمة مرسى اللي  
متعودة ترميها شمال ويمين بعدما نظرت إليها بغرور.

.....

إيمان اتفقت هي و ٢ من صاحباتها على الخروج أول يوم  
العيد.

صاحباتها مظبطين شاين من مستوى اجتماعي أعلى قليلا  
ودول بقى حيحيوا صاحبهم الثالث عشان خاطر إيمان ،  
وتبقى خروجة تظبط

ياما يتمشوا على الكورنيش شوية.

اللي حيقى زحمة آخر حاجة في العيد. أو حيخشوا فيلم  
أحمد حلمي. في سينما وسط البلد. والتذكرة أم ٥ جنيه.  
وده آخر إيمان! أو يمكن تبقى العزومة عالولاد الجدعان.

نشوى زميلة إيمان:

- خلاص يا بنتي لازم تيجي معانا أحمد وإسلام كلموا مصطفى صاحبهم وحييجي.

على فكرة بيقولوك مصطفى ده واد جامد. معدي يعني إنتي عارفة إن باباه فاتح محل قماش وهو شغال فيه وبسم الله ما شاء الله بيكسبوا كويس جدا.

إيمان: ياه يعني هوا مبسوط بقى وكده؟!

- أيوه يا بنتي واللهي وبعدين إحنا كلمناه عليكى قلناله بنت أمورة. وشبه داليا البحيري وجسمها كسده. وهادية وطنية وواللهي يا بنتي اتحمس للفكرة جدا. وطلب إنه هوا اللي ييجي.

- أيوه بس أنا خايفة معجيهوش.....وأكلمه في إيه؟

- مش محتاجة تكلميه في حاجة إحنا حنظبطكو. خليكي بس على طبيعتك (النصيحة المضلله في كل موعد تنظيم الدائمة).

- طيب ألبس ايه؟

- مجتيش طقم في العيد ده طبعاً؟

- لا مانتي عارفة البير وغطاه يعني يا بت.
- طيب البسي البلوفر الأسود بتاعك. والبنطلون الجينس.
- البنطلون ولا (الجوب) (ال يعني)؟
- لا البنطلون وحطتي شوية روج كده وبودرة.
- مانتي عارفة إني مبعرفش أحط.
- تخرج من جيبتها صباغ روج مشطب من فئة ال ٢٥٥ جنيه.

- نخدي حطتي من ده بس ابقني رجعيه.
- متحرمش بس أنا كان المفروض أفسح إخواني أول يوم العيد.
- كانوا عايزين يروحوا حارة العيد كده بالفلوس بتاعتهم حخرج معاكو.

- يا هبله دي فرصة متعوضش. حتعرفي واد زي مصطفى ده تاني فين؟ وبعدين إخوانك مش صغيرين يعني دول شوارعية. ممكن يروحو لوحدهم؟
- همممممم بجد؟

- أيوه يابنتي واللّهي .

- طيب حنخرج الساعة كام؟

- الساعة ٢ الظهر بكرة.

عادت إيمان لبيتها منهكة من يوم طويل من العمل والتخيل والاستغراق في الأحلام. كان المترو في قمة الازدحام. فهي ليلة العيد الأضحى بقى وكل سنة وإنسو طيين. روجت وجدت أمها مهللة. وإخواتها بيطنططوا حول حلة تغلي على النار. ورائحة اللحم الضاني تفوح في أرجاء الشقة الفقيرة. لم تستطع إيمان كتمان فرحتها هي أيضا. فهي جائعة. جائعة تماما.

نظرت لأمها بابتسامة. وسألتها وهيا عينيها بتلمع: - مين اللي جاب اللحم يا ما؟

- صاحب المحل اللي تحت دابح خروف من إمبراج وموزع على شقق العمارة. اطبخي رز يلا.  
- في ثواني.

كان الجميع يفتersh الأرض. إيمان بتعصر الليمون على شوربة الضاني الدسمة. غير مباليه دسمة أو غير فمعدقم قمضم الظلظ.



والرز الأبيض اللي اتعمل في أقل من ١٠ دقائق. أصوات  
الملاعق المعدنية بتخبط في بعض. نامت الأسرة بعد ما كلت  
وجبة هنية. قبل متنام إيمان نظرت لنفسها في المرآة. لأول مرة  
تحاول أن تكتشف أنها جميلة. وجدت وجناتها محمرتين.  
وبعض النضارة في وجهها. لم تعرف هل من تأثير الفرحة.  
بلقاء غد الغرامي؟ أم بسبب لحمه الخروف؟ أم بسبب البلاط  
الساقع اللي واقفه عليه حافية في هذا البرد القارس!!؟

ذهبت وغسلت البلوفر الأسود اللي بتشيله للمناسبات  
اللي عليه ترتر ذهبي لزوم السواريه. تأكدت إن كله تمام  
ونامت قريرة العين متغطيه مع شقيقتها بيطانيه خفيفه مقنعين  
نفسهم أنها تدفؤهم.

.....

إيمان مدينة نصر نائمة في غرفتها فائحة التكييف على  
التدفئة متغطيه بيطانيه ثقيلة ودرجة الحرارة وصلت ل ٧  
درجات سليزية.

في ذلك الوقت المتأخر من الليل ومن شدة استمتاعها  
بالدفء الحاصلة عليه الآن أخذت تتذكر المشردين مسن

الأطفال من يدفعهم الآن؟ كيف لهم أن يحصلوا على بطانية ثقيلة مثل بطانياتها الآن بدأت تفكر في الفقراء الذين يملأون شوارع القاهرة وفي كل مكان.

في الطفل الشحاذ الصغير الذي كان يرجوها ذاك اليوم لشترى منه عبوة مناديل ورقية في بائع النعناع المراهق في أطفال الشوارع اكتفت بدعوة صغيرة لهم وهي يغالبها الناس أن يشعروا بنفس الدفء الذي تحسه الآن واستغرقت في الناس فرها غفور رحيم ولا ينسى عباده يجب أن تنام الآن فمن الصباح الباكر سيسافرون للبلد لذبح العجل والمنظرة أمام أهل البلد.

.....

أما إيمان بنت البواب إبراهيم فكانت قد سبقت الجميع في الذهاب للقرية في صباح العيد يؤذن المؤذن الله أكبر الله أكبر والله الحمد الله أكبر الله أكبر لا إله إلا الله تحاول والددة إيمان إيقاظ شقيقها الذين لا يترلزن الجامع إلا يوم الجمعة ومرتين استثنائيتين طوال العام في العيد الأضحى وعيد الفطر. استيقظوا بتكاسل توضعوا على عجل ونزلوا.

أما إيمان التي يجب أن تضع الميكاب أولاً ولف الإيشارب  
ومزيل رائحة العرق واختيار ملابس متينهاش تخينة وهيصة  
ففضلت ألا تنزل من الأساس وتكرر دماغها.

أكملت النوم أما إيمان شرا فكانت مستيقظة لابسة الإسدال  
نازلة الجامع واحدة إخوانها البنات في أيديها ملابسهن  
خمارهن على بيجمات البيت الفوشيه القطيفة الجديدة التي  
لا تخرج إلا في الاعياد نازلة تصلي وتدعي ربنا الديتينج بتاع  
النهاردة يمشي فهي أحبت مصطفى حتى دون أن تراه مع كل  
تكبيره الله أكبر كانت تقول يا رب يا رب يا رب اوعدي يا رب

بعد الانتهاء من الصلاة صدمت أخواتها أنها مش  
حناخدھم أي مكان راحت تكوي البلوفر الذي كان ما  
يزال رطباً وملحقات ينشف مسحت الجزمة الباليه الرخيصة  
من جلد مصري رديء تدربت على وضع الروح مضبوط  
حطت كولونيا لبست واستعدت وانتظرت حتى تمر عليها  
نشوى لاصطحابها كان الوقت يمر طويلاً وقصيراً في نفس  
الوقت قلبها كان يخفق بالرغم من أنها مش أول مرة حتكلم  
ولاد في حياتها فهي وظيفتها كده طول الليل والنهار في

المحل، بس المره دي الأمر مختلف بكثير، ده تطبيق يا با تطبيق،  
طوال وقت الانتظار كانت تخطط وترتب حثوله إيه، لازم  
تعمل نفسها رقيقة، مش حثول قدامه يا بت والكلام بتاعها  
ده، اعتادت على قول كلمه بت لكل صاحباتها، لأخواتها في  
تعاملاتها، جاءت صاحبها متأخرة على الموعد الساعة ٢  
نص، وجدت إيمان مستعدة، دخلت ظبطتها في مرابه غرفة  
إيمان المشروحة من النص كحلت لها عينيها، أحست إيمان  
لأول مرة بالأنوثة، وكأنها عروسة، كانت نشوى أسعد حظاً  
منها كان معها موبايل، وجدت اتصالاً من أحمد صديقها  
هي وإسلام ومنى، ينتظروهم عند الكورنيش، ركبا  
الميكروباص، وكان قلب إيمان يخفق بشدة وهي تنظر في  
مرآة الميكروباص الأمامية، لكي تتأكد من ثبات مكياجها،  
لكي يؤدي دوره، حتى ظن السائق أنها تعاكسه، وبدأ يخلق  
لها في المرأة، حتى نزلت من الميكروباص...

كان الجو بارداً للغاية ولكنها لم تكن تحس بشيء، كان  
قلبها مازال يخفق:

- اتأخرتوا كده ليه؟

(إسلام بصوت أخنف يحاول أن يكون رقيقا امام البنات)

- كنا بتروق إيمان!

إيمان وجنتاها تحمران، ليس خجلا من إسلام ولكن خوفا  
من أن يغير إسلام مصطفى المنتظر تلك الجملة!

نشوى :إيه ده مصطفى لسه بحاش

أحمد: لسه مكلمني قدامه ٥ دقائق

قلب إيمان يخفق ويخفق، يصل مصطفى، شاب "مجلجل"  
شعره وشكله ملزق، أسمراني البشرة يشبه كل شباب مصر  
فهو عادي للغاية، وحاكت أسود جلد، تفوح منه رائحة  
السجائر، يمسك السيخارة بين أصابعه، لأنها تعطيه شيء من  
البرستيج في نظره، يدفن فيها خجله خوفا عقدة نقصه

يحاول أن يظهر بها مظهر الواد الـ"كووول" .

نظرت إيمان باضطراب وخوف شديدين، لم تعد تحس  
بنبض قلبها، سلم عليهم وابتسم ليظهر صفان من الأسنان  
الصفراء، يعرف نشوى ومنى، ولكن إيمان كانت الوجه  
الجديد سهل عليه التعرف إليها، لم يظهر علامات إعجاب أو

امتعاض، كتنفى بابتسامة صفراء أذابت قلبها!! حتى وإن  
كانت لم تعجبه فسيظهر العكس.

"أهي واحدة من ألف واحدة، يقضي معاهها اليوم  
وخلص"

واضح عليه أنه صاحب الكثير من مثيلات إيمان، وأقل من  
إيمان، أو أحسن من إيمان...

- ها هعنمل ايه دلوقتي يا جماعة؟

سأل إسلام بصوت منتشٍ ومبسوط، بتجمع البنات  
حولهم.

- نتمشى الأول، وبعدين ندخل سينما حفلة هـ

قال أحمد.

\_طيب يلا بينا بقى ...

صاحت منى صديقة أحمد في محاولة لجذب الجو، لم يكن  
صوتها المسرع يتوقف لحظة عن الكلام، لم تكن مقتنعة  
كثيرا بأحمد، وعجبها مصطفى لذا صممت على أن تأكل  
القعدة أو الخروج، تهزر تضحك تستخف، تتدلع، مشى  
الجروب .

سمير ماسك إيد نشوى وهيمانين وماشين بعيد عن  
الباقيين أحمد ماشي مكسوف من الجو اللي حواليه.

لم تجد إيمان المسكينة نشوى وفيه لوعدها، بأنها ستفتح  
الحديث بينها وبين مصطفى، لذا قررت أن تسترجع خبرتها  
في الكلام مع أولاد المحل، وبتوع الكشك وبتاع الفول  
إلخ.....

مصطفى ماشي جنب إيمان التي كانت تنصب عرقاً:

- قلتيلي اسمك ايه؟ (بيتقل)

- إيمان .. وانت مصطفى صح؟

بصوت يحاول أن يتصنع الرقة يخرج من جذوره يخلع ثوبه  
لمدة يوم واحد.

أحست أن سؤاها غي:

- إنتي بتشتغلي إيه يا إيمان؟

- موظفة في بوتيك نسائي (بتحاول تلمع نفسها).

- هممم عايزة تخشي فيلم ايه؟

- أحمد حلمي....

لم تهملها متى المزيد من الوقت لتتكلم سرعان ما بدأت  
في فتح الأحاديث مع مصطفى، مظهرة كل خيرتها في تخطيط  
الأولاد من نوعيته، وهي فقط النوعية التي أتيح لها يوماً من  
الأيام التعامل معها، شوية بشوية، اتاكتل القعدة من إيمان  
المسكينة، حتى في السينما مصطفى قعد بين أحمد ومتى  
.. إيمان قعدت في كرسي متطرف، طوال الفيلم تفكر في  
الأخ مصطفى، اللي مبطلش ضحك ومهيسة مع متى،  
خرجوا من السينما، لم يولها مصطفى فتى الأحلام الكثير من  
الاهتمام، فهمت نشوى الأمر..

عادت إيمان للبيت بعد أن ودع الجميع بعضهم، لم تعرف  
ماهو رد فعل مصطفى، كانت تمنى نفسها، أنه أعجب بها،  
حتموت وتعرف، انتظرت نشوى تقول، أحمد يقول، إسلام  
يقول، متى تقول. نظرت لأخواتها النائمين في السرير،  
أحست بالذنب، أنها أضاعت ميزانية الخروج بتاعتهم،  
أضاعت عليهم فسحة أول يوم العيد، عشان واحد واضح أنه  
لم يعجب بها، انتظرت يومين ثلاثة، أربعة! ...

- مفيش أخبار عن مصطفى؟



نشوى: لا يا بنى من ساعة ما خرجنا مكلمتش حد من أصحابه.

أدركت تماما أنها لم تعجبه صدمت جرحت نسيت أكملت حياتها فقد نسيت أمورا أكبر من ذلك بكثير كما نسيت أمر البنطلون اللي كان عاجبها المرتب اللي راح في المترو كل ما ستفعله ستنسى أن هنالك شيئا اسمه حب قليلا.

ستحسد الحيين ستتوقف لشهر أو شهرين عن سماع أسامة منير ثم ستمضي بها الحياه من جديد، فدائماً لم تتوقف الحياه قط.

إيمان مدينة نصر واقفة بتتفرج على العجل وهوا بيدبح، خلعت أخوها يصورها وهيا ماسكة راس العجل وهيا بتصوت (مبرقة) والعجل بيتسلخ، وهيا بتوزع في أكياس بلاستيكيه على الفقراء من أهل القرية، والكاميرا شغالة تصوير، صورة وفيديو كمان، كل ده عشان تحط ألبوم جديد على الفيس بوك يشوفو أصحابها وزمايلها في الكليه مع اليوم شرم وكله يهون في سبيل الفشخرة، كام يوم وكان اليوم: ( the first day of the adhaa eid .....nice day)

منور على صفحة البروفایل وصاحبتهأ شغالین (کومتات)

.....

خلص العید وعاد إبراهیم البواب من بلدهم، وإیمان  
عادت من بلدها، وعادت الحیاة لمحاریها:

البواب: صباح الخیر یا دکتورة

الدکتورة: إنت غبت کده لیه فی بلدکو یا إبراهیم؟

- معلش یا مدام أصل إیمان اتخطبت عقبال عندک

الدکتورة: اتخطبت لمن؟

- واحد قرینا شغال سواق علی عریة نقل.

- متعلم؟

- لا، بس مبسوط یعنی ..

لم تعرف الدکتورة لماذا شعرت بقلیل من الحق والغیرة  
من موضوع خطوبة إیمان بنت البواب!

أحست أن بناها طولو فی التعنيس، وبنت البواب الاصغر  
منهم ب ٣ أو ٤ سنین قربت تتجوز!

إبراهيم مازال مبتسماً ينتظر من الدكتوراة ان تنقطه وعينه  
كلها رجاء. بصتله بقرف ومشيت!

إيمان رجعت إلى بيتها كليتها حياها كانت خارجة تعمل  
شوينج مع واحدة من صاحباتها بتتكلم في الحب عن الولاد،  
في الأغاني بتدخل السينما، ولكنها كانت تختلف عن إيمان في  
المظهر، كانت تلبس عباءة وعليها حجاب كبير، كانت من  
فئة المتدينين الذين يؤمنون بأن مظهرك يجب ان يعكس ما  
يوجد في قلبك، كانت دائماً إيمان تشعر بأن يسرا أفضل  
منها بكثير، كل يوم كانت تتعلم منها شيئاً جديداً.

كانت تتمنى لو تصبح مثلها، تلبس مثلها، أن تمتلك الجرأة  
في أن تترك حاجبيها بدون تهذيب مثلها، أو حتى تشقر  
حواجبها، لكن قلبها أرق بكثير من قلب إيمان...

كانت تدخل مع إيمان محل ملابس مشهور في القاهرة،  
ومعروف عن أصحابه أنهم متدينون وكل من يعمل فيه  
ملتحون، والقرآن دائماً شغال.

إيمان كانت متعقده من المايوه الشرعي الأنيق بتاعها،  
فكرت تتدور على حاجة أشيك، دخلت المحل مع صاحبيتها،  
سألت البائع الشاب الملتحي:

لو سمحت فيه مايوه شرعي؟

نظر إليها نظرة اشتمزاز:

- لا !

على الباب سمعوا طفلاً صغيراً لم يتجاوز السادسة من  
عمره يصرخ:

— سيبي يا عمو عمو سيبي والنبي يا عمو.

وعمو ذو اللحية غير مباي برحاء الصغير عمال يلطمه  
على وشه، ليه عشان الولد سرق كورة، تأثر بأحد اللاعبين  
بماتشات الأهلي، وأحب أن يقلدهم فكانت هذه نهايته،  
يمسك الصغير فوطة برتقالية، كان من الواضح أنه أحد أطفال  
الشوارع، الذين يقتربون منك وأنت في السيارة، يبدؤون  
بمسح زجاج السيارة الأمامي، ليأخذوا من فتات الأموال،  
شعرت إيمان بالغضب من ذلك القاسي الذي انقض على  
الصغير، أرادت أن تشتمه لكنها خافت، أما يسرا فقد  
أهارت تماماً هالهن منظر الرجال الملتفين حول الولد المقهور،  
وقفوا مبتسمين أو يكركرون !

كل واحد مخرج قميصه خارج البنطلون، وكرشه نصف  
متر أمامه، كلهم متشاهون كأنهم يتفرجون على فيلم  
كوميدي !!

- لازم نعمل حاجة.

-- حنعمل إيه يعني؟

- إيمان أنا حروح أدفع تمن الكورة اللي سرقها.

ذهبتا لیتفقدا سعرها وجدتاها ٥٥ جنيه.

تقول يسرا مترددة:

هممم غاليه شوية أجيبها له؟

إيمان: إنتي حرة.

من دون أن تعرض المساعدة خرجتا خارج المحل بعد أن  
نظرتا للرجل الذي ضرب الطفل نظرة عتاب وغضب،  
سألت الأطفال أصدقاء الصبي:

\_هما ودوه فين؟؟

رد عليها أحد أصحابه أسمر البشرة بلغة أكبر من سنه  
بكثير بصوت مكسور معتاد على البهذلة والانكسار والذل:

- خدوه تحت في الجراح، حيودوه البوليس !!

صعقت البنتان لما سوف يحدث له، استغربتا طبيعة هؤلاء  
الرجال، أليس لديهم أطفال في سنه؟

روحوا عادت إيمان لبيتها نسيت كل اللي حصل ..

أما يسرا فكانت لا تزال تفكر في الصغير، كان يوم ماتش  
الأهلي والزمالك، بين الشوطين، أخبرت يسرا والدتها  
بالحكاية، رجتها بأن تفعل شيئاً لإنقاذ الصبي.

سألت الأم يسرا:

- دفعتي ثمن الكورة؟

- يسرا لا لقيتها ب ٥٥ جنيه.

الأم: ليه عيب عليكي؟

(تقولها الأم بارتياح بعدما تأكدت والحمد لله أن الفلوس  
مازالت في الحفظ والصون)

ماما كلميهم والني، الأم مترددة تعرفي غمرهم؟

ممكن أجيبها لك من عالكيس ...

- الو محل كذا؟

- أيوه معاكي.

يرد عليها رجل بلا اهتمام :

- لو سمحت أنا كنت عايزه أطلب طلب.

- إيه؟ يرد عليها بملل

- أنا الصحفيه فلانة الفلانية من جريدة أخبار اليوم

(اضطرت أن تتحل أي اسم لصحفية حتى يهتم بها،

حيث إن ورقة أبويا وكيل نيابة، خالي مساعد وزير الداخلية

أصبحت محروقة)

سرعان ما حولها الموظف على مدير المحل:

- أيوه يا فندم

- لو سمحت أنا شفت الطفل اللي اضرب النهارده في

المحل عندكو المنظر ده ما ينفعش أبدًا، وكنت ناوية أكتسب

عنه في الجرنان

يرد بذعر:

- لا يا فندم إحنا آسفين.

- إنت عندك المفروض عيال قده وعارف.

- أيوه يا فندم مذبوط.

- أنا بصراحة كنت ناوية أكتب عن الموضوع ده في  
الجرنان، بس قلت انتو محل محترم وأكلمكو الأول، إنتو  
وديتوه البوليس؟

- لا يا فندم لسه والله.

- يا ريت تحلو الموضوع ودي الحكاية منتهية ..

- طبعا يا فندم وعد متشكرين لاتصال حضرتك، السلام  
عليكم !

.....

إيمان بعد موضوع مصطفى بدأت تفقد الثقة تدريجيا في  
نفسها شخصيتها مظهرها شكلها بيئتها، هي لم تعرف لم لم  
يعجب بها ولم للآن وهي في عمر الثالثة والعشرين لم يتقدم  
لها أي شاب، ولا حتى واحد من الولاد الغلابة اللي شغالين  
معاها في المحل، عمر ما حد جيبها، رغم إن هما آكلين عيش  
وعنب وجبنه مع بعض !

ييجي واحد تعجب بيه يكلمها بلطف لحد أسبوعين  
يمشي ييجي غيره تتكرر الحكاية طيب لامتى؟!



هيا شخصيا معندهاش أي طلبات، خلاص من زمان  
قتلت أحلامها، وهي صغيرة، معندهاش فارس أحلام،  
أيضاني أسمراني أو حتى أرجواني

لا غني ولا فقير، كل حلمها تتجوز وخلص، زي كل  
الإيمانات زي كل بنات مصر ...

من لم ترغب في الزواج، تعتبر شاذة عن القاعدة، بدأت  
تنظر إلى نفسها كثيرا في المرأة، دائما في حقيبتها المهترئة  
توجد مرآة صغيرة ترافق مفتاح الشقة، حتى إن صاحباتها  
اعتادوا أن تغلق إيمان على نفسها البروفة لدقائق كثيرة تتأمل  
في نفسها، أول مرة تأخذ بالها أن عندها حب شباب سألت  
الناس عن علاجه، وبدأت تأخذ مضادا حيويًا، وتعمل  
ماسكات لوجهها قبل ما تنزل من البيت لازم تطمن على  
شكلها، أول مرة تأخذ بالها أن عينيها متفتة، ليس لها رموش،  
صارت لا تواجه المجتمع من دون أن تكحل عينيها، تكوي  
ملابسها، بدأت تأخذ بالها إنها لازم تتخن شوية عشان  
تناسب الذوق المصري، تبقى تخينة مربرية.

بدأت تحسد زميلاتها اللي مش بيلاقو مقاسهموم إلا في  
محلات الإكس إكس لارج، حينما تتحدث مع أمها تبدأ في

تأمل ملامح أمها الصعيدية المسكينة، تندب حظها وتلعن  
اليوم اللي اتولدت فيه لأسرة صعيدية كان نفسها تبقى أفتح  
من كده، أنفها أصغر من كده، فكها العلوي أقل بروزا  
للأمام، عايزه تبقى أجراً من كده دمه أخف من كده،  
باختصار مش عايزة تبقى إيمان أكثر من كده!

.....

إيمان نازلة متزوجة حاطة بيرفيوم ثقيل رغم إنها فاكرة  
كويس إن صاحبها يسرا قاتلها ان البيرفيوم الثقيل حرام وإن  
ذنبه زي ذنب الزانية بالظبط.

بس تخاف أن تجلس في المحاضرة في الباص في أي حنة  
جنب ولد مزة بعدين يشتم منها رائحة عرق دي تبقى  
مصيبة!

نازلة بعد ساعتين من التجهيز وانتقاء الملابس والوقوف  
قصاد المراية لابسة الذهب الأصفر في إيديها، وال ٣ غوايش  
التخان مكحلة العين الخضرة، صارت برنسياسة اتأخرت في  
بلدهم شوية ، فهي مستعجلة على إيه؟؟ معدتش بتطلع تعد  
كثير بره على السلم بتاع العمارة زي زمان إيمان معدسة  
عليها، منطقتش كلمة، ماقالتش حتى سلامو عليكو فهي

متعودة بقاها فترة إنها حتى ما تقولوهمش سلامو عليكمو، مش  
كفاية إنها تجرأت وحملت نفس اسمها المقدس !

إيمان ترمقها بنظرة حاقدة شامتة، فهي إيمان اللي ساكنة  
في العمارة دي آه بس "معنسة" في الآخر.

.....

بدأت إيمان تتمرد على وظيفتها في المحل، المرتب مش  
مكفي حاجة، لا عارفة تأكل إخوانها، ولا عارفة تشتري لهم  
ولا تشتري لنفسها حاجة وصت ناس كتير يشوفوها شغلانة  
في أي حنة تانية ..

استنت واستنت لحد ما واحدة صاحبها شغلانة كوافيرة  
كلمت صاحبة المحل اللي في مدينة نصر تشوف لإيمان شغلانة  
عندها فرحت إيمان الوظيفة ب ٥٠٠ جنيه مرتب ..

ماخدتش بالها ان ال ٢٠٠ جنيه الزيادة حتدفعهم ثمن  
الميكروباص لحد محطة المترو!

فعلا بدأت عملها في محل الكوافير الجديد، بعد ما ودعت  
زمايلها في محل اللبس وبسطت لإسلام، اللي هزر معاها  
وهزرت معاها كتير نظرة عتاب بعد كل ده، مجاش يخطبها،

ولا حتى ملح، اكتفى فقط، بأن يقول لها "ربنا يوفقك،  
أشوف وشك بخير" وهي مدركة تماما أنه مش عايز يشوف  
وشها ثاني !

.....

إيمان تدخل غاضبة الشقة ترزع الباب، مامتها واقفة في  
المطبخ تطبخ محشي، عشان ترغط فلذات أكبادها:

- إنتي جيتي يا امونة؟

- ماما مينفغش كده بجد كده (over) بصراحة.

- إيه يا إيمان السواقة ثاني؟

- أيوه يا ماما إزاي يعني واحده طويلة عريضة زي لسه  
بتركب باص الجامعة زي ما كون واللهي لسه أيام ثانوي؟

- وماله الباص ده إنتي بيبقي راكب معاكي ابن السفير  
وابن أستاذ الجامعة.

- لا واللهي! ألا ابن السفير أبوه مش عارف يجيله عربية  
إشعني يعني فلانة وعلانة؟ هما أحسن مني في إيه أبوهم في  
السعودية زي زيههم؟



الأم غرفة إيمان ترجوها أن تستيقظ عشان تقوم تتغدى، على  
أساس أن إيمان يا عيني مكلتش أي حاجة من الصبح غير  
سندوتشين مربى عالفطار، وكيسين رولز و قطعة بيتزا  
وكانز بيسي في الكليه!... كله لزوم الريجيم!

.....

إيمان مبسوطه بالوظيفة الجديدة اتعلمت إزاي تسشور  
شعر البنات، وإزاي تقص، إزاي تعمل الحواجب، وطول  
النهار بتتفرج على روتانا أفلام، وهيا محرومة من الدش في  
بيتهم اتعلمت إزاي تكلم الزبونات بلطافة، وتودد، عشان  
يدوها بقشيش جنية اتنين تلاتة، أربعة خمسة تمتدح في شعر  
دي المقصف وفي لون شعر دي الأسود الداكن!

زي ما تكون مش عايشة في مصر وعمرها ما شافت  
ستات شعرها إسود!

تمدح في ميكب دي اللي مشلفطة نفسها قبل ما تزل  
قدام المراية ..

كل هذا يساعد على أن تحصل على "بقشيش" أكثر،  
أحبت رائحة الاستشوار والشعر الشايط ...

سمعت نصيحة زميلتها في المحل أن تعمل "نيولوك":  
صغرت الإيشارب، صبغت شعرها أصفر كناري، طلعت  
خصلتين صفر من الأمام، وضعت أحمر شفاه، مضغت اللبانة  
وتوقفت تماماً عن ارتداء الجيب، كل لبسها صار بدني  
وبنطلون، وصارت أبله إيمان!

بالعودة إلى إيمان المنوفية التي خلاص قاعدة دلوقي في  
الكوشة بتتخطب لخطيبها محمود حبيب قلبها الذي هوا آخر  
راجل تكلمه المفروض يعني و أول كمان تجلس وسط  
الكوشة تلوح بيديها "باي باي" للمعازيم بصوابها الممتلئة  
التي تمكنت من حشر الشبكة خلاهم، من دبله وخواتم ذهب  
إلى غوايش ذهبية تلمع في الإيد، جالسة مبتسمة في حجل  
تنظر إلى عيون زميلاتها من كلية تربية شبين الكوم وسائر  
محافظات مصر الجميلة، وهي تقرأ الحسد في أعينهن كلهن  
يرغبن في أن يجلسن جلستها مع نفس المعازيم من أهل المركز  
في نفس القاعة، نفس الذي جي وحتى الشبكة مع اختلاف  
العريس، تبتسم لهن ابتسامة عريضة، وجهها ملطخ بكل  
ألوان المكياج وطرحتها "إسبانيش" على جانب الرأس وردة

ضخمة من القماش بنفسجية اللون بنفس لون الفستان سعيدة  
كل السعادة، وخطيبها جالس إلى جوارها يحتسي زجاجة  
بيسي (من اللي بيتفتحو بفتاحة) وهو في قمة الخجل  
والتعرق!

أبوها الطبيب ينظر إليها بفخر، مزهواً بابنته الذي وفي  
وعده معها، اشترى لها ٦٠ عباية، وأربعين قميص نوم، ومائة  
ملاءة سرير و ٥٠ مفرش غير الشوك والسكاكين والأطباق  
والسجاجيد وغيره، تماماً كما طلبت، جهزها أحسن جهاز  
في البلد جهاز يليق بها وبه وبمكانته في البلد..

إيمان مدينة نصر بدأت تدخل في حالة اكتئاب العمر  
يمضي بها هي الآن في السنة النهائية في الكلية.. تتذكر أيامها  
منذ أربعة أعوام تقريباً، حينما أنهت الثانوية العامة، كانت  
تنتظر بطاقة الترشيح بفارغ الصبر، أحلام كبيرة تغسدها  
بالكلية .. زملاؤها الفتيان، قصص الحب التي شاهدتها في  
المسلسلات المصرية بين طلبة الجامعة، وحتى إن حكم الأمر  
الجواز العرفي!

تنظر حولها تجد معظم زميلاتها مثلها يعانون العنوسة في  
نظرهم أو نظر اهاليهم أو حتى نظر أهلها لقد لبست كثيراً



أنفقت ثروة على ملابسها ومظهرها طوال الأربعة أعوام وهو  
عمرها في الكلية، كلمت هذا وصاحبت ذاك !!، ولا  
فائدة..

لكنها ملت الآن، ترغب في أمر جدي في حياتها، بدأت  
تفكر في الزواج، الزواج ولا شيء غير الزواج، نسيت  
أحلامها في الزواج من أجنبي أو غيره..

هي فقط تريد أن تتزوج، حتى إنها بدأت تحسد أمها  
لكونها فقط امرأة متزوجة، ومع ازدياد الخناقات بينها وبين  
أخويها وأمها وغيره...، أرادت أن تنهي ذلك كله ..

بدأت تكتب وتياس لبست إسدالاً أسود، وبعدها اتخذت  
قرارها الأخير، في ارتداء النقاب، نعم النقاب و"ماله لو  
اتنقبت"!!، هي الآن مشتتة لا تنتمي لأي فئة، لا منها مش  
محجبة عايشة حياتها ومظهرة جمالها للناس ولا منها متدبنة قد  
يفكر شاب ملتحي في خطبتها، سمعت من صديقاتها عن كثير  
من الفتيات اللواتي تهاقت عليهن الشباب الملتحي بعد النقاب،  
قررت أن تكون منهن، وأن تترك اسمها في الجامع بين أسماء  
الفتيات اللواتي يرغبن في الزواج، قد يأتي نصيها مع أحد

الشباب اللي سايين اساميههم لشيخ الجامع هما أيضًا، لم تكتف بهذا بل إنها صارت لا تفوت أي ندوة لشيخ كبير أو صغير في الجامع الا وحضرها ابتداء من معز مسعود إلى أحمد جارهم مدرس التربية الدينية في مدرسة ابتدائية فقد تحفظتها إحدى السيدات الكبيرات في السن في الجامع لواحد من ولادها!

إيمان شبرا كبرت في السن هي أيضًا تنظر في مرآة محل الكوافير، وهي تصفف شعر فتاة في السادسة عشرة من عمرها وتشعر بالفرق، هي أقل نضارة، وبدأت تظهر هالات سوداء تحت عينيها، وتجايد السن، سمعت من إحدى زبائنها أن مرحلة الشباب تبدأ من سن العشرين وتنتهي عند الخامسة والعشرين، وعندها تدخل الفتاة مرحلة البلوغ، إذن فهي على وشك ان تفقد لقب شابة، تقارن بين وجهها ووجه الفتاة في المرآة هي فعلاً أقل براءة وجاذبية، تفكر ...

إنها لم تتزوج حينما كانت نضرة، كيف يمكن لأحد أن يفكر فيها بعدما اختفت نضارتها؟؟ وماذا بعد خمس أعوام من الآن أيضًا؟!

ليس أمامها إلا أن تزيد جرعة الـ"ميك اب"، وأن تزيد خصلاتها إصفراراً، وبنطلونها ضيقاً. .

أن تصبح يائسة شخصية ومظهرًا، ومازالت تحامل  
الزبونات حتى تحصل على الثلاثة جنيه بقشيش!

إيمان ابنة البواب أنجبت ولدًا ، وحاملة في الثاني، ازدادت في  
الوزن، زاد الكحل في عينيها، تسكن مع زوجها البواب في  
عمارة، قرية من العمارة التي يعمل فيها أبوها، سعيدة أنها  
متزوجة، وأم، لكنها لا تكف عن حسد السيدات اللواتي هن  
أقل منها في الشكل ويسكن العمارة في الطوابق العليا بينما  
هي تحت الجراج..

إذن ما فائدة العيان الخضروان؟؟

تفتش ليل نهار مدخل العمارة كعادتها من صغرها مع  
أصدقاء زوجها والعمال الذين يعملون في المحلات المجاورة،  
تحلم بمستقبل أفضل، بمال أكثر، تحسد وتكيد، تثرثر  
تضحك، تكرر، وتحمد الله أنها أم أحمد، وليست إيمان  
فقط....

إيمان مدينة نصر مازالت منتظرة حتى الآن أن يأتي لها  
مرسال من الجامع أو أن يتصل بها أحد على غمرة موبايلها  
التي تركتها للشيخ هناك يبلغها براغبها من الجامع أو أن

يقع في حبيها أي شاب من جمعية رسالة التي تطوعت بالعمل  
معهـم ...

لا زالت تنتظر وتنتظر والفرج من عندك يا رب....